



PLANU ESTRATÉJIKU PNTL 2014-2018



Estadu Timor-Leste orienta ona PNTL hodi intensifika atividade polisiamentu ne'ebé iha interasaun boot ho comunidade, tuir orientasaun husi "Planu Estratéjiku" Komandu Jerál, ne'ebé foka ba objetivu hodi implementa vizaun estratéjiku Governu Timor-Leste, haktuir planu Dezenvolvimentu Estratéjiku 2011-2030.

Tuir mandatu Konstituisaun RDTL no Lei sira seluk, PNTL maka responsabiliza ba seguransa interna Estadu nian liuhusi atividade polisiamentu.

Tinan 2013, nu'udar tinan ida ne'ebé Instituisaun Seguransa ida ne'e, hahú dezenvolve nia VIZAUN hodi nune'e ezije planu atividade ida ne'ebé sei orienta ba prátika asaun nian hodi konkretiza "VIZAUN" PNTL ba tinan 2014-2018.



Mensajen husi Komandante-Jerál PNTL



Knaar PNTL nian nu'udar instituisaun ne'ebé tutela ba seguransa Estadu nian, hakerek klaru iha nia Lei Orgánika ne'ebé refleta orientasaun jerál Lei Inan.

PNTL iha obrigasaun hodi defende direitu sidadaun sira nian, no defende prinsípiu sira hodi implementa no garante trankuilidade, pás no armonia ba sidadaun hotu-hotu iha Estadu Demokrátiku ida ne'e.

Tinan-tinan iha Loron 27 fulan Marsu, Komandante Jerál lansa “vizaun estratéjika” ba atividade Polísia nian ne'ebé implementa iha Komandu Operasionál tomak. Orientasaun atividade Polísia nian tomak, tenke refleta ba vizaun refere hodi “ATINJI PADRAUN NE'EBÉ AAS KONA-BA SEGURANSA NO TRANKUILIDADE PÚBLIKA IHA ESTADU TIMOR-LESTE”.

Dezenvolvimentu kapasidade no jestaun ba rekursu PNTL nian, fundamentál teb-es ba Instituisaun ida ne'e, tamba eziijénsia sira ne'e maka sei apoia implementasaun VIZAUN Instituisaun nian liuhusi nia atividade sira. Responsavel ba estrutura Instituisaun nian, iha dever no obrigasaun hodi implementa orientasaun hotu tuir ida-idak nia eskala atividade ne'ebé liga diretamente ho vizaun estratéjika ne'e.

Dixiplina, Serbí no Onra ne'ebé sai MOTTO PNTL nian, sai nu'udar “VALÓR INSTITUISAUN NIAN”. Membru PNTL tomak, iha dever no obrigasaun ho étika hodi ka'er metin espíritu fundamentál valór instituisaun nian, iha ita nia HANOIN, no iha ita nia HAHALOK.

Dokumentu ida ne'e, nu'udar matadalan ba Komandu Operasionál sira no Servisu iha instituisaun tomak hodi orienta ATIVIDADE POLISIAMENTU ne'ebé refleta VIZAUN ESTRATÉJIKA instituisaun nian.

Ba tinan 2014-2018, Komandu Jerál defini objetivu estratéjiku lima ne'ebé sai nu'udar prioridade ba atividade sira polisiamentu nian. Objetivu sira ne'e maka:

- LEJÍZLASAUN
- FORMASAUN
- ADMINISTRASAUN
- DIXIPLINA
- OPERASAUN

Hau hein katak membru PNTL tomak, inklui funsionáriu sivíl sira, sei halo esforsu hodi implementa objetivu estratéjiku hirak ne'e, hodi garante di'ak liu tan ba PNTL nia dever no obrigasaun hodi serbí ita nia povu no ita nia Estadu.

Dili, loron 30 fulan Novembru 2013

Komandante-Jerál PNTL



DR. Longinhos Monteiro

Komisáriu Polísia

VIZAUN NO MISAUN



VIZAUN

Ita nia Vizaun
Atinji padraun ne'ebé aas
kona-ba seguransa no
trankuibilidade públika
iha Estadu Timor-Leste.



MISAUN

Ita nia Misaun
Defende direitu no liberdade sidadaun nian iha Estadu
Demokratiku Timor-Leste, hodi hametin no haburas mandatu
Konstituisaun Republika nian.



ITA NIA PRINSÍPIU

Konfiansa aas husi Estadu,
Governu no Komunidade



Ami serbisu
ho sakrifísiu

Ami serbisu
ho orgullu

Ami prontu atu serbí ami
nia comunidade

ITA NIA MOTTO

Dixiplina




Iha ne'ebé de'it ita dada iis, dixiplina sei la'o hamutuk ho ita.

Serbí



Ho dixiplina ne'ebé di'ak, ita serbí ita nia misaun ho orgullu no ho responsabilidade.

Onra



Ho dixiplina ne'ebé di'ak, no ho kumprimentu de dever ne'ebé aas, ita hahi'i valór no onra instituisaun nian.

Ita nia Modelu Polisiamentu – VIP



Vizibilidade

Vizibilidade aas polísia nian halo katak comunidade sente seguru

Involvimentu

Involvimentu comunidade nian halo comunidade sente katak sira hola parte



Profisionalizmu

Hatan ho profissionalizmu hodi nune'e serbisu polísia nian satisfás comunidade

Ita nia modelu polisiamentu hako'ak filozofia polisiamentu komunitária nian liuhusi adópta doutrina VIP - Vizibilidade aas, Involvimentu comunidade, no hatan ho Profisionalizmu.

Ita nia filozofia polisiamentu komunitária aplika ba membru hotu-hotu iha PNTL nia laran. Polisiamentu komunitária la refere de'it ba departamentu ka seksaun espesífiku ida iha PNTL, maibe refere ba aprosimasaun ne'ebé ita iha ba ita nia serbisu iha Instituisaun PNTL nia laran no entre PNTL no komunidade.

ORIENTASAUN ESTRATÉJKA NO IERARKIA

Mandatu PNTL nian konsagra iha Konstituisaun RDTL Artigu, 147 (1):


"Polísia sei defende legalidade demokrátiku no garante sidadaun sira-nia seguransa internu, maibé sira labele iha partidu polítiku."

Planu Dezenvolvimentu Estratéjiku Timor-Leste nian ba 2011-2030 estabelese alvu ba setór seguransa ba tinan 2020, no inklui PNTL nu'udar:

"Instituisaun ne'ebé reforma no hala'o ho profesionalizmu, iha abilidade no kompromisu no hetan apoiu husi infraestrutura no ekipamentu ne'ebé modernu no jere liuhusi regulamentu hirak ne'ebé fó apoiu ba setór nia efikásia, responsabilidade no Governasaun ne'ebé di'ak."

Hodi bele kumpre ho mandatu no realiza alvu ne'ebé maka iha Programa V Governu Konstitusionál 2012-2017 orienta ba objetivu prinsipál rua ba PNTL:

1. Reforma no Dezenvolve Instituisaun
2. Konsolida Orden Públika no Seguransa Komunitária



Planu Estratéjiku husi Sekretáriu Estadu Seguransa (SES) 2011-2030 foku ba área espesífiku iha PNTL ne'ebé friza ba objetivu ida-idak maka:

1. Reforma no desenvolve instituisaun (foka ba enkuadramentu legal, desenvolvimentu rekursu umanu, infraestrutura no lojística).
2. Konsolida orden públika no seguransa komunitária, estabilidade no seguransa públika (inklui mós kontrola violénsia no krime, servisu informasaun, investigasaun no seguransa rodoviária, polisiamentu komunitáriu, jestaun fronteira no kooperasaun ho ajénsia esterna).

Planu Estratéjiku PNTL (2014-2018)

Planu Estratéjiku PNTL nian elabora hodi simu orientasaun estratéjiku ne'ebé dokumentu relevante hirak ne'e fornese hodi hala'o progresu iha PNTL atu alkansa mandatu, meta no objetivu estratéjiku.

Planu Estratéjiku PNTL ba tinan 2014-2018 maka dokumentu prinsipál referénsia nian ba planeamentu iha nivel hotu-hotu iha PNTL, no baze ida hodi identifika prioridade anuál ne'ebé haluan hodi implementa iha PNTL nia Planu Atividade nia laran. Planu Estratéjiku PNTL 2014-2018 ba períodu tinan lima. Tinan-tinan PNTL sei halo Planu Atividade ketak-ketak hodi konsentra ba objetivu estratéjiku no prioridade espesífiku ba tinan ida-idak. Durante tinan lima nia laran, asaun hirak ne'ebé iha Planu Atividade nia laran sei halo kontribuisaun ba objetivu jerál Planu Estratéjiku ninian. Planu Asaun Anuál PNTL nian fó detalhe espesífiku asaun nian ba Distritu no Komandu PNTL sira hodi implementa bazeia ba Planu Atividade husi Komandu Nasionál PNTL.

Planu Estratéjiku, Planu Atividade no Planu Asaun Anuál sira ne'ebé aliña ho orsamentu, permite PNTL atu hala'o dezempeñu organizasionál hodi realiza responsabilidade no espetativa Governu Timor-Leste nian ba PNTL.

Diagrama iha kraik hatudu kona-ba aliña ierarkia lejislasaun RDTL nian liga ho planu Governu no SES hodi uza nu'udar baze ba planeamentu PNTL nian.

Konstituisaun RDTL

Planu Dezenvolvimentu Estratéjiku
Timor-Leste ba 2011-2030

Programa V Governu Konstitusionál
Nia Lejislatura 2012- 2017

Planu Estratéjiku SES ba (2011-2030)



Planu Estratéjiku PNTL (2014-2018)

Planu Atividade PNTL

Planu Asaun Anuál PNTL

SEGURANSA NO TRANKUILIDADE PÚBLIKA

PLANU ESTRATÉJIKU PNTL BA 2014-2018

Hodi bele hala'o Reforma no Dezenvolvimentu iha PNTL no halo Konsolidasaun ba Orden Públika no Seguransa Komunitária (objetivu rua Governu RDTL nian), ami formula PNTL nia objetivu estratéjiku lima hodi inklui iha Planu Estratéjiku PNTL 2014-2018 mak hanesan tuir mai:

➤ **A. Reforma no Dezenvolve Instituisaun**

Objetivu Estratéjiku 1 - LEJÍZLASAUN

Atu hasa'e kapasidade membru polisia nian liuhusi hakbi'it ba implementasaun Lei Orgánika PNTL, estatutu pesoál, regulamentu internu, no Norma Organizasaun no Prosedimentu (NOP).

Objetivu Estratéjiku 2 - FORMASAUN

Atu hasa'e kapasidade téknika no profisionál membru PNTL ninian liuhusi atividade formasaun.

Objetivu Estratéjiku 3 - ADMINISTRASAUN

Dezenvolve kapasidade PNTL nian atu jere rekursu umanu, finanseiru, lojístiku, no informasaun komunikasaun no teknolojia (*ICT*) PNTL nian hodi permite apoiu ne'ebé adekua ba atividade polisiamentu nian.

Objetivu Estratéjiku 4 - DIXIPLINA

Dezenvolve PNTL nia kapasidade atu iha komportamentu ne'ebé responsavel no ho dixiplina.

➤ B. Konsolida Orden Públika no Seguransa Komunitária



Objetivu Estratéjiku 5 - OPERASAUN

Mantein seguransa, orden públika no trankuilidade ne'ebé favorese ba estabilidade política no dezvoltamentu sósiu-ekonómiku Timor-Leste nian.

Bainhira hili objetivu estratéjiku lima ne'e, ba períodu Planu Estratéjiku nian, sei tulun ita atu konsentra ita nia enerjia no rekursu. Relatóriu regular kona-ba objetivu estratéjiku sira liuhusi Planu Atividade anuál, sei hatudu progresu no karik prezisa, halo mudansa ba estratéjia hodi realiza rezultadu ne'ebé ita hakarak.

Membru PNTL tomak iha responsabilidade atu realiza objetivu estratéjiku lima ne'e, no sei la haree ba postu, fatin ka knaar. Liuhusi esforsu kontínuu no kontribuisaun husi membru hotu-hotu PNTL nian, maka ita bele realiza objetivu estratéjiku hirak ne'e.

PNTL fó apoiu ba Governu nia *Development Policy Co-ordination Mechanism* (DPCM) ne'ebé introdús iha 2013, no rekoñese kontribuisaun ne'ebé ita tenke halo bainhira ita serbisu iha Governu/Setór Estratéjiku Dezenvolvimentu Institusionál nian. Tuir aprosimasaun governu tomak nian atu akompaña programa dezvoltamentu sira, PNTL sei asegura katak apoiu no envolvimentu doadór sira nian aliña ho prioridade PNTL nian, iha koordenasaun no bainhira hala'o, uza estratéjia hodi masimiza rezultadu pozitivu ba PNTL.


REALIZA ITA NIA OBJETIVU ESTRATÉJIKU

A. REFORMA NO DEZENVOLVE INSTITUISAUN

Objetivu Estratéjiku 1 - LEJÍZLASAUN

Atu hasa'e kapasidade membru polísia nian liuhusi hakbi'it ba implementasaun Lei Orgánika PNTL, estatutu pesoál, regulamentu internu, no Norma Organizasaun no Prosedimentu (NOP). Ita sei alkansa ne'e liuhusi:

- 1.1 Halo revizaun ba Lei Orgánika no Estrutura PNTL.
- 1.2 Halo revizaun ba regulamentu dixiplinár hodi refleta karakter PNTL rasik.
- 1.3 Elabora no aprova Estatutu Pesoál PNTL nian - termu no kondisaun serbisu nian- ne'ebé inklui kadru pesoál, dixiplina, saláriu, karreira, apozentasaun.
- 1.4 Dezenvolve/ka halo revizaun ba implementasaun regulamentu internu ba instituisaun PNTL tomak no unidade no servisu sira iha PNTL nia laran.
- 1.5 Dezenvolve no implementa kompeténsia tuir estrutura (Deskrisaun Serbisu) ba Komandu Distritu no Unidade sira tomak.
- 1.6 Dezenvolve no implementa Sistema Avaliasaun Dezempeñu nian ba PNTL tomak.
- 1.7 Dezenvolve no implementa NOP relevante ne'ebé nesesáriu ba prosedimentu administrativu no tékniku.
- 1.8 Implementa estrutura orgánika foun Sentru Formasaun Polísia ninian.
- 1.9 Dezenvolve estrutura orgánika foun ba iha Institutu Siénsia Polísia nian.
- 1.10 Dezenvolve Kódigu Konduta ba PNTL.
- 1.11 Revizaun Rejime Salariál no direitu regalia Dekretu-Lei 10/2009 18 FEVEREIRU 2009.
- 1.12 Revizaun ba Rejime Promosaun Dekretu-Lei 16/2009 18 MARSU 2009.
- 1.13 Dezenvolve lejizlasaun foun kona ba gabinete relasaun internasionál hodi implementa iha Komandu Jerál PNTL nian.
- 1.14 Dezenvolve lejizlasaun hodi defini poder entre GIA SES, PNTL GIG no Departamentu Justisa PNTL nian.



Objetivu Estratéjiku 2 – FORMASAUN

Atu hasa'e kapasidade téknika no profisionál membru PNTL ninian liuhusi atividade formasaun. Ita sei alkansa ne'e liuhusi:

- 2.1 Elabora no implementa planu formasaun anuál, ho konsiderasaun ba objetivu no nesesidade jerál no espesífiku husi Unidade no Servisu PNTL nian.
- 2.2 Hodi dezenvolve no hasa'e abilidade atu hanorin instrutór sira husi Sentru Formasaun Polísia nian.
- 2.3 Prepara no hala'o kursu Komandu no Jestaun nian ba Komandante Unidade, no Xefe servisu PNTL nian.
- 2.4 Dezenvolve kurrikulu no programa formasaun ne'ebé apropriadu no tuir kontestu, ba kursu espesializasaun, kursu resiklajen (*refresher course*) no, kursu promosaun ba kategoria no pozisaun oin-oin.
- 2.5 Hala'o programa Rekrutamentu anuál hodi atinji número pesoál 4800.



Objetivu Estratéjiku 3 - ADMINISTRASAUN

Dezenvolve kapasidade PNTL nian atu jere rekursu umanu, finanseiru, lojístiku, no informasaun komunikaun no teknolojia (*ICT*) PNTL nian hodi permite apoiu ne'ebé adekuaadu ba atividade polisiamentu nian. Ita sei alkansa ne'e liuhusi:

- 3.1 Estabelese planu jestaun rekursu umanus nian ne'ebé inklui rekrutamentu, formasaun, desenvolvimentu karreira, kolokasaun, promosaun no apoientasaun-reforma.
- 3.2 Implementa sistema "ben estar" RDTL nian ba pesoál PNTL ne'ebé elejivel (Pensaun Invalidés no mate nian).
- 3.3 Dezenvolve no atualiza baze dadus RH PNTL nian ho informasaun ne'ebé verifika ona, kona ba pesoál.
- 3.4 Implementa mekanizmu hodi akompaña no kontrola fornecimentu no uzu ekipamentu no material nian – no sistema hodi jere bens, instalasaun no abastecimentu.
- 3.5 Implementa sistema prosesu aprovisionamentu iha PNTL nia laran.
- 3.6 Implementa oráriu manutensaun karreta, motor, uma no ró nian.
- 3.7 Dezenvolve rekizitu mínimu ba infraestrutura no komesa realiza rekizitu hirak ne'e.
- 3.8 Atinji rekizitu mínimu kona-ba ekipamentu hanesan material, komunikaun, transporte, armas uniforme, sasan eskritóriu no kombustivel.
- 3.9 Dezenvolve avaliaun anuál kona-ba nesesidade sira bazeia ba 3.7 no 3.8 hodi rezolve nesesidade sira kona-ba infraestrutura, ekipamentu no material tuir dalan ne'ebé metódiku.
- 3.10 Implementa sistema komunikaun no tranzmisaun nian.
- 3.11 Halo definisaun ba âmbito, dezenvolve no implementa Servisu Informátika (*IT*) ne'ebé adekuaadu.
- 3.12 Aproveita informasaun ne'ebé korretu no relevante kona-ba jestaun pesoál nian no estatística kona-ba krime no tranzitu.
- 3.13 Dezenvolve no implementa prosesu no prátika jestaun finanseiru ne'ebé transparente no responsavel.
- 3.14 Dezenvolve orsamentu anuál ne'ebé loos no konsistente ho prioridade estratéjiku sira.
- 3.15 Koordena kontribuisaun husi doador sira, hodi asegura katak apoiu hirak ne'e alkansa PNTL nia objetivu no prioridade.
- 3.16 Hala'o investigasaun no pilotu kona-ba descentralizasaun ba finansas, ekipamentu no material nian iha PNTL, distritu no Unidade sira.
- 3.17 Dezenvolve no implementa estratéjia komunikaun ne'ebé koordena iha PNTL tomak, liuhusi Unidade Relasaun Públika.



Objetivu Estratéjiku

4 - DIXIPLINA

Dezenvolve PNTL nia kapasidade atu iha komportamentu ne'ebé responsavel no ho dixeplina. Ita sei alkansa ne'e liuhusi:

- 4.1 Hadi'ak no implementa Regulamentu Dixiplinár PNTL nian no prosesu sira ezeekusaun nian, liuhusi mekanizmu internu no esternu husi PNTL, hanesan; Gabinete Inspektor Jerál no Gabinete Inspesaun iha Sekretaria Estadu ba Seguransa.
- 4.2 Haburas padraun profisionál, hahalok ne'ebé étiku no valór sira PNTL nian iha pesoál PNTL, liuhusi rekrutamentu, formasaun no konsekuénsia (louvór nó punisaun) ne'ebé justu tuir hahalok.
- 4.3 Implementa Kódigu Konduta PNTL nian hodi tane aas dignidade pesoál no instituisaun, no respeitu ba direitus umanus.

B. KONSOLIDA ORDEN PÚBLIKA NO SEGURANSA KOMUNITÁRIA



Objetivu Estratéjiku 5 - OPERASAUN



Mantein seguransa, orden públika no trankuillidade ne'ebé favorese ba estabilidade polítika no dezvoltamentu sósiu-ekonómiku Timor-Leste nian. Ita sei alkansa ne'e liuhusi:

- 5.1 Hametin kooperasaun Polísia nian ho autoridade husi rai viziñu sira, hodi kombate krime tranznasionál, terrorizmu no krime organizadu sira seluk.
- 5.2 Hasa'e no hametin kooperasaun multilaterál no bilaterál ho forsa polísia no Servisu Seguransa husi nasaun seluk, kona-ba area oin-oin seguransa nian.
- 5.3 Implementa pillar 3 polisiamentu komunitáriu ne'ebé hanaran VIP - Vizibilidade, Involvimentu no Profesionalizmu – liuhusi PNTL nia inisiativa polisiamentu komunitáriu.
- 5.4 Integra konseitu polisiamentu komunitáriu iha kurríkulu formasaun nivel hotu-hotu PNTL nian.
- 5.5 Atu hadi'ak kapasidade operasionál polísia nian, liuhusi reforsu ba Polisiamentu Komunitáriu ne'ebé orienta liu ba protesaun sidadaun nian, liuliu ba sira ne'ebé vulneravel liu, hanesan labarik, joven, ema idozu no vítima abuzu nian.
- 5.6 Implementa Servisu Investigasaun Kriminál no órgaun seluk iha estrutura Investigasaun kriminál, liuhusi kapasidade rekursu umanu ne'ebé apropriadu no sufisiente.
- 5.7 Partisipa iha ezekusaun polítika kriminál, no hametin kapasidade kona-ba prevensaun no prosesu investigasaun kriminál.
- 5.8 Aumenta kooperasaun tuir protokolu kooperasaun entre Gabinete Prokuradór Jerál no PNTL.
- 5.9 Implementa no Integra servisu informasaun polísia nian iha inisiativa polisiamentu hotu-hotu.
- 5.10 Kontribui ba implementasaun Sistema Integradu Seguransa Nasionál nian, liuhusi aumentu koordinasaun ho setór relevante hanesan F-FDTL no servisu informasaun Governu nian.
- 5.11 Kontribui hodi identifika fonte, no momentu ne'ebé mosu problema seguransa hodi prevene, hamenus no kombate krime, no mós hahalok seluk ne'ebé ameasa seguransa públika.
- 5.12 Hala'o servisu tránzitu no seguransa rodoviária liuhusi koordinasaun, edukasaun no promosaun kumprimentu lei tránzitu nian.
- 5.13 Hadi'ak koordinasaun, no hatan lalais no ho profesionalizmu, ba operasaun espesiál polisiamentu iha sidade laran no área remota sira.
- 5.14 Hametin kapasidade Komandu no kontrolu hodi halo distribuisaun pesoál ho efikásia no efisiénsia ba iha área operasionál (NOC).
- 5.15 Kontribui ba dezvoltamentu Política Seguransa Marítima nian.
- 5.16 Elabora no implementa sistema kontrolu no vijilánsia ba kosta Timor-Leste, tuir koordinasaun no kooperasaun ho entidade seluk Sistema Autoridade Marítima nian.
- 5.17 Aumenta kapasidade atu jere no kontrola fronteira Terrestre no Marítima.
- 5.18 Partisipa iha implementasaun ba mekanizmu hodi jere liña Fronteira.

ITA NIA SUSESU

Ita sei akompaña progresu kona-ba objetivu estratéjiku lima bainhira tinan-tinan ita halo dokumentasaun ba Planu Atividade.

Informasaun ne'ebé ita sei rekolla husi PNTL nia Planu Atividade ba dala uluk (2014), sei fornese dadus baziku no determina foku ba Planu Atividade oin mai ne'ebé sei hakerek durante período Planu Estratéjiku PNTL (2014-2018) nian. Komparasaun progresu entre tinan 2014 no 2018 sei hatudu katak:

Objetivu Estratéjiku 1 - LEJÍZLASAUN: Atu hasa'e kapasidade membru polisia nian liuhusi hakbi'it ba implementasaun Lei Orgánika PNTL, estatutu pesoál, regulamentu internu, no norma organizasaun no prosedimentu (NOP).

- ♦ Dokumentu lejizlativu prinsipál sei aliña di'ak liu ho dezvoltamentu institusional PNTL nian.
- ♦ PNTL kumpre di'ak liu ho dever no komportamentu tuir dokumentu relevante no lei sira.

Objetivu Estratéjiku 2 – FORMASAUN: Atu hasa'e kapasidade téknika no profisional membru PNTL ninian liuhusi atividade formasaun.

- ♦ Hasa'e PNTL nia kapasidade atu realiza sira nia dever ho responsabilidade.

Objetivu Estratéjiku 3 – ADMINISTRASAUN: Desenvolve kapasidade PNTL nian atu jere rekursu umanu, finanseiru, lojístiku, no informasaun komunikasaun no teknolojia (ICT) PNTL nian hodi permite apoiu ne'ebé adekua ba atividade polisiamentu nian.

- ♦ Hasa'e kapasidade atu jere rekursus umanus no fíziku hodi realiza nesesidade operasional PNTL nian.

Objetivu Estratéjiku 4 – DIXIPLINA: Desenvolve PNTL nia kapasidade atu iha komportamentu ne'ebé responsavel no ho dixiplina.

- ♦ Hasa'e komidade nia konfiansa ba iha servisu PNTL.

Objetivu Estratéjiku 5 – OPERASAUN: Mantein seguransa, orden públika no tranquilidad ne'ebé favorese ba estabilidade política no dezvoltamentu sósiu-ekonómiku Timor-Leste nian.

- ♦ Hasa'e komidade nia konfiansa, komidade sente seguru no halo kooperasaun ho PNTL.
- ♦ Hasa'e kapasidade atu prevene krime, halo investigasaun no hala'o prosesu kona-ba krime doméstiku no internasional.
- ♦ Koordena no hatan di'ak liu ba situasaun operasaun espesial.
- ♦ Hamenus asidente tranzitu no inkonviniencia ba ema ne'ebé uza dalan públika, no ema barak sei kumpre ho Lei Estrada no seguransa rodoviária.
- ♦ Hadi'ak jestaun ba fronteira terrestre no marítima.

LIAFUAN AGRADESIMENTU

Ami hakarak hat'o'o ami nia obrigadu wain ba grupu oin-oin no indíviduu ne'ebé ajuda ami atu dezenvolve ita nia Planu Estratéjiku PNTL 2014-2018. Hakerek Planu Estratéjiku buat ida ne'ebé kompleksu tebes no han tempu ne'ebé naruk. Ho apoiu husi parte hotu hanesan husi Superior PNTL no parseiru dezenvolvimentu PNTL, Planu Estratéjiku ida ne'e bele sai realidade.

Ami orgullu ho kolaborasaun ba prosesu planu ninian, maibé ami mós rekoñese ami nia frakeza no nune'e nakloke an nafatin atu simu kontribuisaun ideia ka komentáriu ruma atu hadi'ak liu tan dokumentu ida ne'e. Karik ita iha, halo favór haruka ba: Superintendente João Belo dos Reis 77312348 (email: jdosreis74@gmail.com) Xefe Departamentu Administrasaun no Planeamentu PNTL.

Ami hakarak hat'o'o ami nia obrigadu espesial ba ema hirak tuir mai, ba sira nia lideransa, orientasaun no kontribuisaun hodi hamosu Planu Estratéjiku PNTL 2014-2018:

Ezekutivu PNTL:

1. Komandante-Jerál PNTL Komisáriu Dr Longuinhos Monteiro
2. 2º Komandante-Jerál PNTL Komisáriu Afonso de Jesus
3. Komandante Administrasaun Nasionál Superintendente Xefe Henrique da Costa
4. Xefe Departamentu Polisiamentu Komunitária Asistente Superintendente Boavida Ribeiro
5. Xefe Departamentu Tránsito no Seguransa Rodoviária Nasionál Inspetór Xefe António L.C Soares

Reprezentante sira husi TLPDP Komandante TLPDP Sr. Graham Waite no Srª Dorothy Jenner (Asesóra Planeamentu Estratéjiku) ne'ebé fó sira nia kontribuisaun ideia no tempu tomak hodi fó apoiu ba realizasaun Planu Estratéjiku PNTL 2014-2018.

No ema seluk ne'ebé kontribui mós hodi realiza dokumentu ida ne'e, hanesan:

1. Husi TLPDP: Sr. Jim Armstrong, Srª Ana Carla Carrascalão-Gomes, Srª Lynne Geddes
2. Husi TLCPP: Superintendente Kevin Brennan, NZPOL
3. Husi PNTL: Asistente Inspetór Miguel Araújo no pesoál DAP sira seluk
4. Ofisiál Superior no Subalternu PNTL

Dezeñu

Superintendent João Belo dos Reis no Kompañia Grafica Nacional

Fotografia

Superintendent João Belo dos Reis, Relasaun Públika PNTL, Ofisiál Média TLPDP no The Asia Foundation.

LISTA REFERÉNSIA*



1. Konstituisaun Repúblika Demokrátika Timor-Leste
2. Timor-Leste Plano Estratégico de Desenvolvimento - 2011-2030
3. *Development Policy Coordination Mechanism (DPCM): Concept Paper Approved by the Council of Ministers on 19 March, 2013*
4. *Governance and Institutional Development - Strategic Sector as at April 1, 2013: SoSS-Security Reform Sub-Sector Goals*
5. RDTL - Prioridade Nasionál Timor-Leste
6. Programa V Governo Constitucional Nian Legislatura 2012-2017; Dili; 26 fulan Agostu tinan 2012
7. Sekretariadu Estadu Ba Seguransa Planu Estratéjiku 2011-2030
8. Lei Organika Polísia Nasionál Timor-Leste (PNTL), Dekretu-Lei n° 9/2009, loron 18 fulan Fevereiru
9. Plano Estratégico de Desenvolvimento da Polícia Nacional de Timor-Leste 2011-2012
10. Plano Anual da Polícia Nacional de Timor-Leste PNTL 2014, Primeiro Ministro
11. Plano Estratégico para o Sector da Justiça 2011- 2030
12. *Australian Federal Police (AFP) Strategic Plan 2011-2015*
13. *New Zealand Police Strategic Plan 2011- 2015; New Zealand Government*
14. *Western Australia Police Strategic Plan 2007-2010*
15. *Canadian Vancouver Police Department Strategic Plan 2012-2016*

* Títulu referénsia sira nian hakerek tuir títulu orijínál dokumentu nian.



PLANU ESTRATÉJIKU PNTL 2014-2018

